



補學軒詩集卷四

鴉吟集四 庚戌至甲寅

五十自述

五秩筵開未作翁，三多例在自揚風。人生百歲此分半，論定千秋今折中。浮面恰嘗春酒綠，癡心還望夕陽紅。內觀終比旁觀切，短拍長謠興不窮。

青眼如初白髮新，烏紗著罷著綸巾。鄉風信有開先者，家祭猶無拜後人。門外蓬蒿容小隱，山中樛櫟占長春。華嚴劫盡華胥夢，潦倒偏畱一幸民。

蹉跎贏得鬢邊秋，汗漫空爲物外游。此日登場推老馬，當年

補學軒詩集卷四

一

采菽堂

分職本閒鷗，棋枰容我籠雙手。文字教人出一頭，自寫心懷自書事。不煩海客代添籌。

苔覆階前花覆檐，書堂滿壁列牙籤。榮華夢裏全欹枕，山水光中半捲簾。太學談經多狗曲，小儒著論本雞廉。上林高樹知多少，一笑翻同上竹鮎。

山主頭銜也自娛，寓公面目本來殊。漢臣有志難投筆，齊客無功且濫竽。闔世癩同人醉醒，治生愁聽鬼揶揄。惟餘王氏箱中物，別號乾坤一腐儒。

不二門中第二流，年來何處覓封侯。縱然詩筆追高適，那有功名繼馬周。仙佛難忘心上事，妻孥徒寄耳邊愁。逸情豪氣依然在，又上元龍百尺樓。





故鄉親見盜如麻新歲空看物放華赤白丸探朝砍吏蒼黃  
犬吠夜移家王郎舊埒惟榆莢陶令荒園祇菊花自笑作人  
無長物開門發篋也咨嗟

歌管噤聲鼓角鳴冶遊多半負新晴人歸桑梓仍爲客澤近  
荏蒲欲用兵絳縣未聞逃士會黃巾安肯拜康成不如安樂  
窩中去斗酒雙柑坐聽鶯

春日漫興

韶光淑氣兩難勝高閣危欄獨自憑楊葉雨聲深巷履梨花  
雲影小窗燈半忘史冊頻捫腹未享榮華且曲肱只有閒情  
消不得融和又試硯池冰

補學軒詩集卷四

二

采菽堂

無方買絳桃花氣一簾春晝永燒痕千嶂暮雲高眼前好景  
須畱意拄笏休教似馬曹

客感

一年兩度行千里不是輕舟卽小車天下盡夸曾作客里中  
翻似暫爲家勞生何日辭黃卷養志當年負白華聚首無多  
分手亟徘徊愁對路三义

烏有先生亡是公萍蹤到處逐飛蓬名聞大盜噓牛缺經授  
諸生學馬融深院苔痕三日雨小園花信五更風在家人作  
離家夢鴉影雞聲夜正中

劫盜行

一人揚大旗百人奮長斧十人輿大礮千人備千櫓青抹額



紅抹肚結束非行伍來如風去如雨作坐疑部署捕虎耶捕  
虜耶何處將軍講武耶庚戌正月末壽陽一郡中此輩分入  
界吾鄉當其衝是時值春霽到處興農功忽然聚蟻忽然擁  
蜂不問齊奴富不問黔婁窮排門比戶搜其宮王恭作人何  
所有孟郊移家尙多口眾皆走吾亦走相望一水間潛伏眾  
人後或言賊不來唯唯復否否打背大呼回面小醜二人駭  
馬至下馬執吾肘二人挾刃來露刃擬吾首張融不殺迴白  
奇李涉相逢亦良厚乃摘其巾乃牽其裾乃褫其帶乃奪其  
襦曳之左鄰坐於前除曰爾亟奉白鏹爾盡出青蚨我不汝  
拘否則汝屠賊眾曰唯賊首吁舍其軀叩其居環而攻其閭  
賊旣飽出疆矣人方飢回鄉矣步俛俛視茫茫但見破器滿

補學軒詩集卷四

三

采菽堂

堂儲粟流倉徹衣出箱殘衾去床蕭然四壁無餘藏哀哉四  
鄰有餘殃夜夢頻驚晨報不停曰賊大不平駕輕就熟將復  
至吾之庭粧不及成膳不及馨行行重行行登高以望見萬  
頭簇伏遠而聽聞一路哭上發棟梁下窮溝瀆劫不去者只  
有陸公之兩脚厨劫不盡者只有玉川之數間屋民飲泣賊  
放歌捆載而歸奈我何較量所得孰我多衣物若干錢物若  
千逐逐馬蹄走緩緩牛背馱相與牽雲曳雪歸其窩經過幾  
墟市破壞幾鄉里計時才八九日耳民悉其居相與私指民  
憤其毒相與切齒又恐報仇挾怨無時已兵徐來民強起不  
願同生願同死民方奮臂爭前驅官忽搖手禁後車義憤可  
用私憤可虞請爾各自保爾廬賊果在此吾其舍諸况賊本



不戀賊區他郡自有平原自無請殲厥渠請貸其餘懸賞張  
示榜四衢如斯而已乎我聞漢王烈化賊賊慚名又聞晉陸  
機諭賊賊執經黃巾萬眾來白晝三輔橫車下亦拜家康成  
不才忝後裔此事慚前型既不能封萬里侯爲守邊之班生  
又不能薰一鄉人爲居鄙之陽城徒向沈約集中作賊劉章  
坐上談兵惹他帶牛佩犢諸老僮蹂躪我鄉邑破碎我軒楹  
又累故人惠衣惠食分高情撫衷三嘆有如此出門一笑吾  
行矣流亡依士變妻孥保趙喜卿月流光照桑梓

重三日游水東桃李園看花

東風吹空春雨晴村人入城客出城過橋百板路三折雲霞  
如海來逢迎穠桃郁李相間立縈襟拂袖當中行往來游者  
互出沒決起幾箇銜花鶯左爲棲霞右龍隱中間正得三里  
平城中貴人坐軒楹盆池太狹盆山傾院前種菊不數本籬  
下列竹纜十莖嫣紅欲暗嫩綠明枉召故人攜酒鐺豈如武  
陵源中之漁父天台洞口之書生龍爲種兮象爲耕爛熳飽  
看春無聲詩成不敢道豔情芙蓉城裏貽芳卿

送方伯張勸葦同年入覲

粵山盡處楚山開紅旆迎風過綠槐湛露四章當再拜福星  
一路可重來詞臣名字畱中禁使者文章落上台南斗舉頭  
看北斗行旌知已近蓬萊

榴花五月照炎州桂海雙橈趁急流南國甘棠思召伯西京  
元袞見韓侯年來屢誠吏驅虎此去勿忘人佩牛淡月清風



各相望油幢遙仁白蘋洲

隨車雨洗後車塵送客回頭憶夙因此日升沈雖異向丁年  
科第亦同寅九重紫極瞻 新主一箇蒼生念故人公論私  
情兩無礙歸來還我太平民

故鄉捕盜屢稱兵新歲攜家盡入城流寓正思依士燮仙曹  
何意送班生探丸未見姦民去持斧將勞使者行晉接遙知  
夸燕享彤弓膜拜不勝情

秋草

不賦天喬賦老蒼平原縱目又新涼幾分青牘明妃塚一夢  
黃迷謝客塘無復南園飛蛺蝶故應西極見牛羊關中愁絕  
閨中思相與高歌說慨慷

補學軒詩集卷四

五

采薇堂

依然平楚戀斜暉懶更提壺上翠微鷓鴣雨晴春早去鷓鴣  
霜重夜還飛火光三面野人獵葉落四山高士歸旅思秋心  
禁不得天寒何處寄寒衣

秋聲瑟瑟氣森森獨對荒郊惜薄陰南浦重逢非綠髻西施  
初葬尚紅心前王宮殿憑懷古末路英雄易感今到底蓬山  
秋不到琪花瑤草立如林

借陰亦自有孤莖分潤從來笑斷萍豔質已枯初牧馬靈根  
不昧又爲螢蒹葭水近霜微白薜荔山深石自青濁酒清樽  
殊慰藉一叢黃菊發閒庭

辛亥二月七日妾舉一子

遠水遙山託考槃旁妻下妾共徵蘭家鄉蕩盡初生子松菊



裁成欲入官如我當言萬事足較人已覺十分難祝兒長大  
祈兒慧瑜珥瑤環取次看

流寓相看賦索居就衰纔見喜充閭聰明妄想成人後啼笑  
先憐墮地初二月差池來燕賀四方酬答弄麈書撞樓跨竈  
都閒事十六生兒反羨渠

辛亥春仲修仁道中作

客路嚴裝筭去程人家寒食尙催耕枌榆日暮鴉娘喜楊柳  
風和燕子輕幾樹落紅明古驛四山堆綠壓孤城故鄉權當  
他鄉看厯險臨流百感生

桃枝低亞柳條斜春色隨時換物華深屋生風蠶食葉野田  
飛雪麥開花青山影裏行看畫黃鳥聲中坐憶家村落漸荒  
人漸散驚聞羣盜尙如麻

補學軒詩集卷四

六

采菽堂

無題

離恨歡情兩不禁淺嗔低罵到而今鳳凰有偶簫難引蝴蝶  
無家夢易尋記向花前攜素手曾來松下結同心續題紅葉  
栽紅豆淚浥餘香尙滿襟

雲泥未必誤今生山海翻疑負夙盟塞北雁來能念我江南  
花落又逢卿蕙蕪山下春無恙楊柳梢頭月有情記得年前  
相見日淡雲微雨過清明

桃葉渡江應用枳楊枝隔座罷傳盃啼聲久惜黃鶯別歌曲  
空傳赤鳳來一紙私書新肺腑三生情種舊胚胎愛卿心事  
親卿手任爾旁人妬且猜



風聲鶴唳日相驚  
驚猴狼烟路不平  
天上將軍餘暮氣  
山中宰相損高名  
視師重遣裴中令  
馳檄爭歸馬長卿  
遙接一函俄一笑  
小戎兒女欲言兵

羣盜如毛 聖主知浮生  
若寄遠方危樓船  
幾見誅徵貳興馬  
惟聞禮庶其西望  
三年期伐鬼北來  
六月又行師范韓  
威望孫吳略遙想  
天邊大將旗

神武當年早挂冠  
淮陰此日又登壇  
共來南海封龍亢  
空向東山起謝安  
五渡水深含毒易  
九疑山遠望天難  
可憐粟里田間客  
泛宅浮家度歲寒

紙上談兵也自新  
軍前獻策太無因  
赤眉求印盜攻盜  
白手登場民衛民  
豺虎縱橫悲世路  
雞蟲得失付家人  
客愁鄉夢都拋却  
慷慨高歌笑此身

補學軒詩集卷四

七

采菽堂

漂泊今生更不疑  
遭逢此日一何奇  
有田莫種空攜硯  
無病而呻且作詩  
豪客江湖知李涉  
露車滄海誤王尼  
陳雷高誼羊求約  
王後盧前更數誰

送友人

雁初來候燕將歸  
微物乘時亦見幾  
南渡未揮名士扇  
北征先念小兒衣  
平原內史交王弼  
秦岱神童識段暉  
秋雨秋風談半晌  
五陵回首笑輕肥

話到酸辛各竊聽  
夜深燈火亦多情  
前生許我爲平子  
後死煩君作巨卿  
異域山河容避世  
末流人物悔知名  
剖心訂約



捫心記鼓角巖城正二更

不悲春色不悲秋，好女聯吟且散愁。  
泉下有朋如管鮑，寰中無地着巢由。  
攜家我欲隨龍尾，食肉人方相虎頭。  
後果前因如未昧，相依士燮在交州。

辛亥九月二十八日游白龍洞轉劉仙巖得詩紀事  
四首

宜州白龍洞城北阻一水，桂州白龍洞城南距五里，同名不同實，各自出奇詭。秋高人事閒，冬暖天氣美。腰脚健，吾輩爭辦謝展齒。唐題有新詩，宋建無舊址。惟餘將軍橋，蟠踞跨中流。探奇得名勝，慙慙從此始。

補學軒詩集卷四

八

采菽堂

何年雲歸滿其穴，禪關加利鎖似拒。夜來月人高，雙眼孤佛古。一臂折坐想種花人，循崖讀殘碣。陵谷游客疑滄桑，野人說秋林擁秋光。朗若不可撥。

歸雲閣其前穿雲巖，其後牧童作導師，輾轉逐之走紅牆。剝丹楹，豁然露其竇。昔者劉羽士，枯坐慕長久。煉丹無金鼎，搗藥有石臼。摩壁繪圖像，大似亡是叟。冷然上危亭，縱目聊俯首。東南富刀兵，隱隱光射斗。

近城無餘地，平者但古墓。遙原無長林，顯者半紅樹。登山覓曲徑，下山思直路。誰撞古寺鐘，殘響閣寒霧。雞鳴烟際村，馬立沙邊渡。夕陽趁歸人，始覺空山暮。神仙懶劇，苔卿相厭煨芋。作詩紀游踪，幸有濟勝具。



次日出城西門游中隱山歸塗間得長句

桂林奇洞廿有一冠帶游人十失七去城愈遠地愈幽描摹  
恨少詩人筆年來九月新染霜望中萬物皆明粧青山紅樹  
紛滿眼展齒已印城南岡初經一洞天如屋再經一洞窈如  
谷無名巖藉有名人宋代開山呂恭叔山背忽裂山胸穿地  
上旁鑿如下天題名題句欲漫處時有晚日規其間此游自  
歎古所少此境誰知尙其小石梯絕處石室連豁然別見瑤  
華島洞前列樹交縱橫洞後累石相枝撐其上正覆其下平  
其中大可十二楹旁有好事飾梵宇間有游人攜藥杵石籠  
東顧石虎西彷彿如興半山兩城西昔訪招隱巖城東又聽  
棲霞菴城東城西徑城北風景常恨遺其南仙人巖前頻弔  
墓將軍橋畔曾飛步東南歸去西南來眼底飛嵐靄如故洞  
天福地足四寰頑仙瘦佛窺一斑芒鞋未損竹杖在北向擬  
再登堯山

補學軒詩集卷四

九

采菽堂

辛亥九日同人招飲月牙山醉後左遊棲霞寺與學

使者孫菓田先生遇匆匆一笑忽忽兩月昨於壁上

讀其游山詩并幕中林太冲曾香海二君和章屬補

一首

白衣送酒無王宏黃花對臥愁麴生不能作詩更作賦登高  
且唱東門行故人有意坐先置嘉客無心行且至星巖側畔  
月山前酒杯照見棲霞寺興來笑乘陶令籃探奇已到曾公  
巖仙爐紅處佛燈綠使星一箇中間參興公最長擲地賦杜



陵兼好驚人句林和靖與曾南豐海賓主蕭然似韋布蔬

笋之物分僧房酒漿之具羅東堂相逢不意莫相避笑煞乞

炙劉丹陽先生知我宴不與同人促我醉姑去醜顏醺態出

門前手撫兩行烏柏樹桂山諸洞靡不妙梓里閒居羗未到

酒興猶有詩興無山中虛聽寒蟬噪輶軒太史忽唱詩芙蓉

高客爭和之同游謂我不同作檄文將代山靈移青鞋布韞

記曾着風景雲容知大略秋光去盡春又來後車請附青油

幕風搖簾影雪照幃卽事得句忘抽思聊書鄭老庭中葉願

示孫郎帳下兒

辛亥歲暮偶成

殘臘冬猶在初陽春已回天寒疑欲雪夢覺忽聞雷燈火元

補學軒詩集卷四

十 朱菽堂

宵宴江山大將臺孤懷生遠想可有捷書來

羈客愁千種塵兵又一年風聲高壘外雨意小窗前別業無

金谷謀生有石田長歌催短景兒女亦欣然

題林文忠公書鄒鍾泉中丞開封守城善後記七古

卷後

廬陵無雙有醉翁門牆第一推長公偉人百事若符契易名

兩字皆文忠戴彭垂老作盧李鳶蘿遠施眉山松榻來千載

等佳話竟有二老希高蹤東宮太保古夔龍南陽人傑今黃

龔旂常鐘鼎授衣鉢崛起相繼膺提封歐陽少師蘇學士官

階更比前人崇九年憶別夷門東一笑相見滕閣中月惟嘉

平歲已酉百花洲畔攄深衷河隄昔決汴城下萬眾如住蒼



龍宮蕭規曹隨互宣力黃虬黑蜃不敢攻桃花駛去瓠子定  
善後手記宣房功唐詩七字敬跋尾宋賢一事先藏胸歐陽  
孫女蘇氏子師生締好吾所宗門人小子得快婿相約納采  
毋纏紅朱陳六禮苟求備歐蘇兩集眞可充無心舉似無意  
合豈必按跡相追從誰知後事半茫昧已將先兆爲感通鴻  
文報國忠濟世諡法之字羗雷同福星道隕將星暗烽煙四  
射天無容公乘其後妙綏撫睪然望古同協恭神交心契奉  
手澤高歌滿紙生英風侍講題之侍御跋餘地且付冥飛鴻  
魏丙姚宋及韓范奇氣各自蟠蒼穹精廬昨者共評論高言  
特瓶驚盲聾贊皇前立太岳後相業最服惟兩雄公然百世  
接模楷何必一代同遭逢大談高眺細屈指試數五嶽恆華  
嵩奇才應運作偉器咸豐豈止齊元豐

補學軒詩集卷四

七

采菽堂

辛亥書事八首

交南之地日南天棖觸閒情覺黯然五嶺雲開秦郡縣三江  
風送漢樓船春秋誅盜無名氏草澤藏姦有歲年此日回頭  
看故國崑崙關外雨如烟

山似屏圍一線通州如斗大幾回攻小人有室皆懸磬大將  
無時可挂弓洗甲枉教歌杜甫添丁猶自賀盧仝蘇花芋菜  
高張處報捷心馳萬里紅

魚符羽檄四方馳每日登高望大旗鵝鶴自排江上陣蜻蛉  
誰仆路旁碑秦兵再敗思黃髮漢業中興藉赤眉撥亂從來

多到治笙歌轉憶太平時



帶牛佩犢滿汗潢蟻聚蜂屯盡戰場天上星辰纏太白人間  
賁育少中黃馬雷有種培銅柱豹死無名笑鐵鎗自是旁觀  
多遠思海陽山畔望蒼茫

黑霧深籠赤水流杞人終日抱離憂公臣惟是升齊盜私惠  
何曾報楚囚上日旌旗橫荔浦中宵烽燧照藤州等閒記得  
歐陽句肉食何人與國謀

象郡驚心隕大星蒙江作意抱孤城蠻中自阻長標嶺灞上  
原非細柳營蠹輩蒼頭皆捧檄書生白面尙談兵可憐一派  
荒涼地橄欖青時蛤蚧鳴

蠻烟瘴雨又深冬轉餉經時困大農三石尙疑人逐鹿一江  
空望鬼乘龍炎州有路奔蕭銑漢吏無才似賈琮春夢欣然

補學軒詩集卷四

三

采菽堂

聞奏凱空山輕打五更鐘

全將家具寄榕湖那憶鄉關舊草廬歡樂有餘堂處燕往來  
無礙釜游魚十圍競倚將軍樹三上愁看宰相書皂帽藜牀  
吾已定不知人世更何如

壬子書事八首

偶嘗今日元辰酒爲想經年大將臺一路鶯花看草檄三軍  
鳧藻待銜枚蔡州雪色無緣入淝水風聲不斷來烏欖雞檳  
相餉罷可曾春到故園梅

多病相如每裏頭感時王粲怕登樓酒漿肉藿廬兒笑瘴雨  
蠻烟閣老愁山水勢連三總管星辰光暗五諸侯那堪更望

蒙江路鼓角驚飛數點鷗



聽殘爆竹看桃符烏合招來半白徒十里礮聲山寨路萬家  
燈影水當郭漢庭羣桀都棲有楚國前芽孰慮無局外人談  
局中事罪言應不笑拘儒

誰識春來好鳥鳴喧然都作戰場聲干戈兒戲聊移帳盜賊  
公行竟據城卽墨早知窮樂毅偪陽真悔率苟營短衣長劍  
相持處內反尤宜念叟兵

鄙屋驚喧夜不眠花門畱處轉蕭然崑崙張宴新元夕傀儡  
登場惡少年豬突那知金匱法狼貪徒費水衡錢逋懸幾度  
方籌畫又報前塗劫客船

頻藉民兵代客兵荒郊從此少深耕伍符尺籍家人子破帽  
殘衫措大營武達誰能如伯玉文降我亦惑威明紛紛少吏  
增添後斗食安然不請纓

補學軒詩集卷四

三

采菽堂

山前山後陣羣鴉春去春來感物華壯士三千空報國姦民  
六萬已爲家捷書按日來王濬殘寇何時獲呂嘉愁煞東泉  
凝望處夕陽芳草遍天涯

袖手已爲門外漢低頭聊看局中棋杜陵野老錯料事王屋  
山人閒賦詩縱使三章譜朱鷺何妨一曲聽黃鸝鬢絲禪榻  
太無賴我亦傷春如牧之

壬子人日偶成

春意忽然滿春山漸欲青韶華雙短鬢鄉夢幾長亭題句逢  
人日浮查伴客星捲簾坐清曉細雨溼空庭

花鳥紅旗外干戈綠酒邊大千仍此世元二是何年北郭依



榕隱東風近柳顛尋芳多勝日收拾沈郎錢

壬子二月自家赴桂林至永福聞警拈四律

埤垠曾誇百雉雄梯衝驚報四圍攻八公草木愁行客六射  
鬚眉誤總戎世事已甘觀局外人何苦住城中麗譙高處  
爭攀陟燭武猶堪絕半空

時絕  
入城

傳書客已望飛鷺寒食吾方化紙錢豈料重三過令節翻驚  
元二是災年勞生誤鑄桑公硯謀食愁攜子敬璫家在城中  
身道上不妨同住奈何天

將星有像在雲臺處士無光伏草萊共說冥鴻天外去誰知  
羸馬賊中來蓑衣遙帶千峯雨花縣頻驚百里雷聽得解圍  
俄欲笑青綾步障忙清才

補學軒詩集卷四

古

宋菽堂

狂寇居然闖會垣相公何處駕行轅  
時相國賽公督師猶在外未聞柵內  
擒元濟已見關中逼馬敦三捷有人誇草檄四郊無犬吠花  
村可憐一个平原客鶴唳風聲欲斷魂

壬子三月賊圍桂林卽事八首

列戟乘城晝閉關登高望遠極愁顏人家消息風箏裏漢吏  
威儀雨蓋閒地主有誰如北海征夫空自咏東山司農告竭  
司兵困知是何時奏凱還

樓上衝梯舞若神城邊列屋化爲塵荒寒有地啼新鬼富貴  
無家弔故人大盜自梳兵自批明珠爲米桂爲薪寓公此日  
成羈放紙帳蘆簾睡過春

國家少事尙憂邊郡縣多窮只愛錢作將何曾手打賊封侯



惟幸面如田石頭有待陶司馬玉貌無求魯仲連城外城中  
倘相見故應各問子胡然

麗譙旗影各登壇士女愁容靜倚欄萬里長城思道濟一家  
高臥似袁安緣多劉阮求仙易累重周何學佛難犬吠雞鳴  
望天上伊誰肯乞鼎中丹

風雨淒然欲暮時干戈相逼每如期林間此日巢新燕城內  
何人臥老罷牆屋未修來太早露車雖在去安之故應兒女  
閒相守笑指城南十丈旗

記從荔水奮瑀戈咸喜離江得伏波兩載未摩崇國壘四門  
翻唱楚人歌將軍豈易求周勃竊帝終難聽趙佗想見  
至尊愁社稷崇文崇武費張羅

補學軒詩集卷四

五

采菽堂

燈影星陳夜不昏礮聲雷駭啞無言先生本自居南郭外客  
爭夸掌扞門習勇豈能如孝長解圍且欲學劉琨 國家福  
與生靈命強語相安欲斷魂

材官相習參昇平郡吏都難捨死生萬里又傾都護幕再來  
應變亞夫營諸公束手無長策豎子安心有大名不見雙忠  
祠畔鬼衣冠巡夜盡公卿

十憶詩

元人百家詩內可  
開老人著有此題

憶來

幾回密約苦無因一笑相逢竟當真是怕是慚還是恨秋波  
先顧四旁人

憶坐



據案分搜食字魚投懷先看有情書風清月白相憐夜第一  
魂銷奉手初

憶行

小苑兜鞋踏綠茵故園看竹撫青筠並頭行去回頭笑大袖  
長裾莫拂人

憶飲

中宵對月開筵坐小婢攜壺送酒來粉膩脂香紛撲鼻暗中  
潛換玉交杯

憶眠

似嫌燈影帳前明知有人從窻外行半醉半醒嬌不起呢喃  
故作泥人聲

補學軒詩集卷四

去

采菽堂

憶談

坐中那許外人參夜半閒將密事談隱語游詞時點逗向人  
憨笑背人慚

憶嗔

樂事無妨盡日尋傷懷不覺片言侵相逢有意偏相避三字  
低聲好忍心

憶歌

偶然倚醉學韋娘不禁低聲媚玉郎聽罷全文窺半面燈前  
時露美人粧

憶誓

指天誓日終饒舌掃地焚香且並肩緣分縱疎情分密疑雲

映雨自年年

憶去

幾日勾留未盡情一言珍重又將行人生第一傷心事強把啼聲作笑聲

閩中林香谷孝廉著射鷹樓詩話內載余少作五古五首七律一首七絕二首稱余有小谷自訂稿余實無此詩集名也林以甲午舉孝廉而余以丙申出京師彼此絕不相聞不審詩句何以相見爲拈三絕志之

初文上書萬历年香谷射鷹閩海邊俠骨仙心作詩伯林家兩箇孝廉船

補學軒詩集卷四

七

采菽堂

少日談經頗著聲中年歸隱不知名子衡少谷多佳話不覺前賢畏後生

雕刻揚雄悔不文流傳陽五竟相聞應尼詩比湘蘭畫恨少

當年白練裘

詩話中稱余詩如馬守貞畫蘭靈襟秀氣溢於楮墨之外

題陳心香同年小寄齋讀書圖

新春來訪小寄廬故人示我小寄圖先後題者縱橫書繭尾猶有數幅舒鴉頭似待一客塗圖中列樹知幾株樹影隔坐交紛敷齋中儲書過五車書聲出戶聞呬唔儼然坐箇古丈夫道貌雖瘠神何腴炯炯照我垂青臚星星對客非白鬚酒錢不足詩有餘好句足抵雙明珠婿鄉可寄卽寄孥師坐可寄卽寄軀今吾何必卽故吾淨生戀此聊須臾窓間寄傲元



亮孤天上寄愁伸長愚形骸之見皆牽拘齊年憶向名塲趨

回首已若晨星疎遠者作令飛兩鳧

謂周冠臣  
鄒鼎齋

近者課士占

三魚

謂金漁庄白  
月卿及君

其餘大半黃壤糊不然亦屬青衫枯久寄

暫寄均區區夢寄醒寄終遽遽人間萬事無差殊况我已作

山澤癯頻年空取烟墨驅探囊肚篋驚焚闔浮家泛宅重移

居題此不覺拍案呼吁嗟乎題此不覺拍案呼拜別且寄行

山興

題趙淡仙麗則堂詩存

衙蜂採百花將以釀其蜜詩人讀千卷將以壯吾筆神志凝  
不分精采久而出有客袖一物示我卷三帙彥伯無澁體杜  
公有細律分唐界宋論鎔鑄并爲一鼓角嚴空城燈火耿幽

補學軒詩集卷四

大

采菽堂

室我時無箇事撫此當琴瑟松聲清帶風梅影淡迎日想見  
苦吟人商歌滿蓬蓽萬事不挂眼一編長抱膝詩壇詞坵間  
默爾不敢質貴人噉大名游士誇小術何意粵桂叢有此楚  
萍實跨驢慚鄭緊賦鳥恨趙壹後世有子雲此語未可必題  
詩代執訊幸勿交臂失

癸丑春興二首

春光依舊戀吾廬講舍重新記客居

時移主秀  
峯書院

剩水殘山兵

去後斜風細雨燕來初便宜羈旅容攜眷孤負窮愁未著書

自計浮生還自笑文園容易臥相如

桂滿山前榕滿城旅游幾載代躬耕儒書怕著文中子經學

聊宗棘下生劇盜有名馳白馬閒愁無緒訴黃鸞比鄰相約



嘗春酒坐嘯行吟各自鳴

星舫觀察以紙二幅索書近作未綴二律寫意

引商刻羽客吹竽春蚓秋蛇鬼畫符獻納也同溫卷事流觀  
權當監門圖孫奉未敢誇羸卒季重真慚見大巫手自揮時  
心自語詩人一字許師無

烏府從容寫逸情鷗鄉閒淡訂詩盟雲飛隴首誰家扇楓落  
吳江爾日名豈望十聯楊學士聊書一幅楮先生高山流水  
知音在顧盼應增爨下聲

題彭亦香司馬墨經從戎圖

磽确荒山百餘里槎枒老樹一半死愁雲黯黯雪茫茫戎衣  
突出誰家郎紅旗掣電空外豎班馬嘶風此中去墨縷在體  
經在腰豺狼當道不敢驕矛頭漸米夜偵謀盾鼻飛書朝報  
捷首登旣脫脫換頭銜歸來尙著從事衫謝元破敵到淝水幾  
折東山雙屐齒焚黃敬告忘憂萱短衣又復乘高軒年前青  
綬收吾象野外黃巾資保障隻童匹馬行逡巡結束仍是圖  
中人從容命識付裝潢驚看一幅雲臺像壯士軍前自結纓  
書生紙上空談兵若問此圖何所祖後有晉人前有魯

題陳肇甫採芝養親圖

茯苓將生松不枯琥珀欲變石更腴神靈相與護靈物樵採  
不到時菜敷公子才子亦孝子頭去巾幅足曳履行則行兮  
止則止今獨何爲在於此自言披草走隻身誓欲採藥供雙  
親堯山深處舜洞古此中或有無邊春我聞採葠阮孝緒野



鹿相逢私引去又聞採石梁彥光神人暗授不敢藏君今上  
與古人友蒼龍吟罷白虎吼金石如聞盈耳音椿萱定介齊  
眉壽心游日想手自摹打門急遞爭披圖采蘭詩變負苓傳  
稻梁愧煞耕田夫吁嗟乎丹芝起死人曾見十洲記青芝不  
老仙亦生五岳地方伯兒郎相公裔庭訓開端當題識入山  
靈寶開山符請君長佩八百字

閒居遣興

琴書相伴過蕭辰意態夷然似幸民行事肯隨人作計隱名  
眞與鬼爲鄰窮途僥倖皆拚命季世猖狂或保身擬到通天  
臺上表縈茵落瀾問前因

謀生共飽腐儒餐尙志休彈隱者冠風雨諸天黃鵠舉江湖

補學軒詩集卷四

三

采菽堂

滿地白鷗寒狂生自許爲昭略徵士何堪目勿安棖觸滿懷  
誰會得蒼波無際獨憑闌

書所見

非民亦非盜沓至竟如雲逐北無三里籠東又一軍短衣隨  
李廣長鋏惱田文此輩少爲貴名言自昔聞  
萬萬不能剿招來暫改裝人才工舉盜民力困齋糧村已無  
雞犬都猶聚虎狼請看烏合處天地轉蒼涼

海棠橋弔秦少游

海棠橋上花正稠海棠亭中人欲愁花開花落自名友人去  
人來誰少游韻事依稀傳宋代醉鄉廣大讓炎州乘槎擬到  
橫槎住綠瘦紅肥共拍浮



感事十首

鶴唳風聲裏探梅報小春科頭無皂帽滿眼盡黃巾郊外正  
多壘城中非少人如何淒絕夜鬼火亦燐燐

五年爭避地三度歷圍城此輩真烏合何時定烏驚文章無  
信史草木有疑兵太息登高望天南殺氣橫

見說僧騰客中藏娘子軍姓名蘇蕙合裝束木蘭分雌守辭  
齊贅雄飛却楚氛男兒知幾輩棄甲枉紛紛

鵠面鳩形集流亡欲繪圖弱軍多呂媪富室少齊奴露宿林  
間燕風驚屋上烏相看空殞涕誰乞避兵符

世事變復變客行難更難民逃空有戶員缺久無官消息驚  
心問流亡束手看秋風吹短髻獨立不勝寒

補學軒詩集卷四

三

采菽堂

四民失業後九品賣官辰文士競餬口武夫輕誥身幾人戈  
作枕長日釜生塵正是孤羈地何堪獨飲醇

道路半荆棘胡爲返里門烏飛難擇木葉落欲歸根輞水石  
丞宅竹林中散園生涯託先世且復長兒孫

故山非似昔新序又驚秋寰宇仍青犢江湖自白鷗煙光雲  
外路燈影水邊樓安穩片帆去相看不帶愁

非水亦非旱流亡竟不歸往來如雁戶啼笑盡鶉衣室遠月  
千里城孤山四圍夕陽同悵望何處白雲飛

傳聞團練法稍靖亂離人我亦寄八口誰當作四鄰山河新  
子弟蜂蟻小君臣季世固吾園長居鄭子真

甲寅夏五偶作



溼雲潑潑雨濛濛畱得餘寒迥不同新序已當躡柳月故衣  
猶怯落花風蹉跎有憾人空老迎送無歸鬼亦窮記否相思  
江上路旌旗前度夕陽紅

遙聞仙子語諸天似笑書生感暮年城郭依然難化鶴家鄉  
蕩盡任啼鵑賈逵孤冷希人事沈警荒唐結鬼緣何處容身  
何處住筆牀茶竈伴青氈

東南遙望大江流寂寞空量萬斛愁市上公超猶避地客中  
王粲不登樓神州到處驚銅馬故國何時祭鐵牛兵食未供  
民食盡阿誰高唱秣陵秋

越山盡處楚天高棖觸無由慰鬱陶擄掠浪言兵是鬣紛紜  
猶見盜如毛度支此日思劉晏進奉何人學季羔試問露車  
今在否橫流彌望正滔滔

補學軒詩集卷四

三

采菽堂

夏五又作

半夏忽餘寒全家尙着襖松風送梅雨生意一何少鶯聲似  
有待蚊市幸無擾短牀展長簟秋思亦已早借問此何時回  
首見剛卯

紙鳶久不飛秧馬尙未走負耒皆農家弄兵卽盜藪市頭問  
米價千錢許一斗談經雖醉心薛史豈餬口請棄上水田往  
乞中山酒

思歸四首

紅葉村邊白水聲此間容臥老書生雖黃那許稱詩史雄略  
惟堪御酒兵四壁蕭條司馬宅千家團練亞夫營帶牛佩犢



從今靖應識躬耕勝舌耕

不爲笨伯不頑仙故里能歸轉惘然世故夷吾推老馬鄉居  
杜密笑寒蟬銀章青綬人無分玉杵元霜鬼有緣檢點行裝  
私嘆賞書囊幾許白雲篇

誰信文壇亦戰場轉思草閣作書堂沙蟲滿地啼新鬼風鶴  
連天望故鄉復壁有心依北海耕田無力住南陽流離到處  
供歌哭通德門中且自藏

燈影照人閒寫愁蟲聲如雨齊悲秋死前備歷生老病藏後  
正宜修息游三十六策自定計萬八千戶誰封侯城中砧杵  
閣中笛嘹唳無驚將睡鷗

甲寅季秋居桂林擬送家口回里

補學軒詩集卷四

三

采菽堂

遠道最思逢趙喜送帑何幸得與駢看山聽水應千里泛宅  
浮家已六年人縱好賢難授館我非游宦亦歸田登時觸撥  
農夫志簞笠蓑衣麥隴邊

青雲飛去白雲還末路眞宜守故關世業自畱三畝宅風聲  
猶恐八公山詩人復族歌黃鳥游客思家放白鷗等是浮生  
無賴事高吟休道不能閒

山川滿目夕陽斜行李關心去路賒江上煙波明白鳥城中  
風雨負黃花想無盜犯先生舍恐有人知處士家容與啓行  
安穩到舉頭先望貫河查

秋風嫋嫋日暉暉碁罷從今好息機蘭砌有情花自放杏梁  
無恙燕還飛田園松菊娛元亮城郭人民感令威身尙羈留



家已返薜蘿好護故山扉

甲寅孟冬送家口回里方行二驛聞警而返

鷓鴣啼不住家口出行窩忽學退飛鷓慙非殿後戈往來真  
孟浪老少苦奔波試望分歧處浮雲幻象多

項領將何往風聲四面寒沿途驚散蟻返駕笑驂鸞時有大官先返  
俯仰隨人易周旋作我難蘆花與楓葉况隔萬重灘

出城三十里繞郭一千家翠蠹傷心樹黃迷撲面沙時飛鬼  
蛺蝶莫問官蝦蟆擾攘自來去回頭夕照斜

日脚淡無色城頭微有痕幾人愁落魄十里送驚魂浙瀝路  
旁樹溟濛煙外村都成淒絕景一笑共誰論

寓齋夜坐

補學軒詩集卷四

三

采菽堂

蟋蟀鳴我西絡緯啼我東行吟坐嘯時我正當其中一月照  
窓絲一燈侵案紅秋影蕩秋聲吹以林間風反顧忽自笑咄  
哉可憐蟲

山石森如鬼山風利如矢石罅來驚風裂我窓間紙蕭蕭滿  
徑葉寂寂半庭水新寒襲故衣秋駕將去矣支愁藉衾枕歸  
夢到桑梓

世事沸如鼎鄉愁散如絲高歌尋古歡別有我所思一思國  
手棋一思國手醫死着變活着此豈不可爲奈何五窮鼠空  
作五總龜

案間測萬里胸次藏千年窮途拙生計只合歸耕田田荒旣  
可憾田豐尤可憐金生而粟死爭辦折色錢催租妨打門莫



聳吟詩肩

寒夜偶書

男兒老大志不酬故里歸去行且謀髯蘇閒招客說鬼衛玠  
最怕人言愁自分難作市中鶴誰能坐馴江上鷗他鄉吾鄉  
咫尺耳慷慨被酒先登樓

立冬日將自桂林返里

別緒蕭條動客居商歌隱約憶吾廬年華漸老稀同輩世界累  
猶深好異書巫峽猿聲風定後灞橋驢背雪飛初詩囊重檢  
詩情在此事平生未負渠

雜詩

置身落寰中結想出系表俯察而仰觀宇宙一何小好月明

補學軒詩集卷四

五

采菽堂

竹根微風起松杪空濛篁淡間意象自了了蛩吟三徑荒鵲  
起一枝裊動機觸靜機耳目忽已擾何當白晝間坐對青山  
杳

休文詣庶子泉明詠貧士華實雖同辭苦樂各異旨譬如白  
鳴蟲愁者不能喜千年飄若風萬事淡如水今來坐弔古徒  
剩幾篇史北海召道人東山攜女妓生死皆歡娛誰能主張  
是

撫案窮幽渺捲簾看寥廓目前得會心不待登高作薄暝鴉  
際生餘暉雁邊落原野何蕭條時聞盜吹角敗葉無數飛游  
絲有時著悵然興遠懷陡覺秋氣索好鳥不歸山先生聊掩



作詩每無題出語必有故豈爲身後名拾此眼前句非古亦  
非今宛爾肖其素倚欄諧蛩吟繞砌逐鶴步當其不得意一  
誤或再誤春夢豪士衰秋墳美人暮挑燈時揮毫笑煞食字  
蠹

題黎崱山孝廉白雲親舍圖卽送其歸新甯

我生已賦無家別題詩怕見思家圖白雲如蓋覆青嶂翹首  
望者何人乎自言久索長安米不如且飲故鄉水前秋別去  
今秋來聊寫狄梁公意耳我把此圖心已驚我聞此語愁更  
生粉榆回首半荆棘惟有日影空中行梁公昔際太平年登  
高日望太行巔雲車風馬任來往豈必再聽春山鶉人生但  
說還鄉樂今來更覺還鄉惡城郭雖是人民非愁看丁令回  
時鶴君今卽得古人意奈何不值初唐世殘山剩水試留連  
不知誰是桃源地送君前去且料理祝君後來歌燕喜秋風  
吹空秋雨晴眼前又見白雲起相望猶然一千里

自桂林歸舟歷淺作

水落萬川小舟輕一葉去尺流無寸波斜引一疋素細鱗難  
潛魚長脰未沒鷺方舟行方罫棋子森以布幽人度一枕臥  
聽流冰渡初疑鱗爬沙轉訝虎磨樹舟子赤兩脰下作老鶴  
步扛舟如扛鼎前卻時一仆坐使曳泥龜笑此凌波鷺小窓  
納眾峯且認還鄉路勿學齊張融牽船岸邊住

逃亡屋一首在桂林作

沙塵滿地不埋骨烽火連天空極目黃狐執火赤狐吹照見



前村數間屋屋中久作驚磨逃屋上猶似飢鳥號門無橫木  
竈無釜白壁半落生黃蒿是時大野欲飛雪何處空梁猶照  
月斑然到眼忽分明知是何人頸邊血啣啣方聽砌下蛩噉  
噉又到雲間鴻萬里長裘萬間厦眼前莫救詩人窮吁嗟乎  
眼前莫救詩人窮相如破壁來悲風

歸里後偶拈

冷案清燈生事微牽雲曳雪片帆飛五家鄰在鳩初聚三里  
城荒鶴正歸松菊猶存今日見江山如故昔人非迎門到處  
生閑感知是忘機是見幾

家鄉近處客程遙風雨餘寒破寂寥高士耕田宜下溪先賢  
貽宅愛中條桃花水遠秦人隱桂樹山幽楚客招俯仰閒身

補學軒詩集卷四

毛

采菽堂

私歎息林間准挂許由瓢

歸來作計苦流連一席名山各六年

主慶遠及桂林講席皆六年

劉阮未

忘回里路巢由也乞買山錢妻孥有寄吾何憾囊橐無餘盜  
亦憐良夜倚欄思往事一吟一嘯轉迢然

嶺梅巖桂各開花飯釜茶爐且作家雪滿山中朝放鶴風清  
林下夜棲鴉老猶作客慚飛絮生不封侯愛種瓜擁鼻微吟  
時拍手殘年光景異天涯

至鄰村廢寺

鄉人坦腹縱橫臥古佛斷頭高下坐壁無泥聖門無揜塵作  
空花空際播柱龍欲化爪尙張旗鼓頻播皮已破行人稽首  
禮空王只有竹籤筒一箇世界驚聞劫火餘年光忽逐浮雲



過入門默想出門觀榆錢一樹東風簌

補學軒詩集卷四

天

宋菽堂

補學軒詩集卷四

